

Sra. Lourdes Croes

Luna cultural cu e tema “Mosaico Cultural” na Biblioteca Nacional

STA. CRUZ – E aña aki e luna di September a wordo yama “Mosaico Cultural” cual ta trece diferente aspecto di parti di nos cultura, hunto nan no ta forma un tema specifico cual a dicidi pa yama e luna aki “Mosaico Cultural”.

Den e luna aki lo tin di tur cos un tiki. A inicia na aña 1982 pasobra esaki ta e aña cu a drenta e edificio na George Madurostraat. E apertura oficial a tuma lugar dia 1 di September e aña ey. Desde e dia ey a sigui haci actividadnan henter e luna cual a resulta

den un exito rotundo. Asina nos a dicidi di haci’e tur aña. Nos a usa diferente tema pa aña p.e. e tema Papiamento, musicafolklore, MuseoParti di nos comunidad y asina cada aña a pone diferente tema. Lastimamente e ultimo dos añanan e no a sigui pa diferente motibo.

E aña aki si e lo tuma lugar. A cuminsa cu un anochi pianista. Otro siman diarazon lo tin un premio “Cadushi di Crystal” cual ta un premio cu ta wordo otorga cada 2 aña na un persona of grupo cu a haci hopi riba tereno di

Papiamento. Na aña 1997 el a wordo entrega na sra.

Digna Lacle-Herrera, na aña 1999 sr. Hubert Lio Booi, na aña 2001 sr. Ernesto Rozenstand y e ultimo tabata na aña tabata na aña 2003 cual a wordo entrega na sr. Ramon Todd Dandare. Den transcurso di dianan lo anuncia ken lo ricibi e premio aki e aña aki. E siman despues lo bay tin un panel cu diferente orador experto riba e tereno di patrimonio cultural y lo clausura e luna cultural cu un café literario den Biblioteca Nacional.